

Cansun dal Carlavèe d' Civareu dal 2003



Carlavèe l' po' mia rivèe
sansa scrivi sta cansùn
l'è parcìò che guà rimèe
cume vol la tradissùn,
par chi possi brava gent
a la fin sighi cuntent.

Suma nutta laureai
ma la voja? sì la ghè,
d'meutti 'nsemma quatt cuciai
e salvèe parè 'l darè.
Sperant peui che custa storia
s' la tramanda 'nt la memoria.

Vardant bèn su custa Tèra
'l ghè du cui chi gàn mia pas
fin che in mia facc su na guèra
e n'la cuntù mè ga pias.
Cun rasun o cun 'n po' d'tort
ma parchè i van nutt dal corp !?!?

Giù da lì, riva 'l desert
ntè ca bufa sempri 'l vent,
ghè quaidun che forsi 'l pert
ma da sempri 'l mustra i dent.
Ansighent e dant na man
par fregghè j'American.


Dl'auta part dal lavagiùn
Bush e jait in gnui rabiai,
jan giuragla par dabùn
parchè in tracghi giù 'n po' d' cai.
Sa lu ciapu, cul Saddam,
nu fan fèti mè 'n salam.

Tra da mes da tücc cui lì
g'suma noi chi tribuluma
tirè avanti tücc i di
e, a la fin, 'nca ciò paguma.
E par colpa d'la cumbina
gnarà cara la benzina.
(Va già bèn, e ciò l'è vèi,
sa na fan... mia nèe a pèi).

Prima 'ncò dal neusti cai,
i varduma giù 'n Cumuna,
giunta e sindich in lanciai
ogni di nu studiu vuna.
In drè fèe gran pulisia,
ma sarà demucrasia?

Chi l'è 'n ciuma 'l vada sutt,
chi l'è 'n funt al vada sóra,
an quai d'un al buggia nutt
e tucc quent i gan na pôra...
E chi sbaja o 'l vada 'l marcà...
prest o tart lu spediss cà.

Dopu i vigil da cartùn
c'è piassà a Seraval,
g'farà fèe 'n quaios da bün
anca al neusti da Varal.
Si vurei sun prunt scumètti,
prima o peui i mustru 'l tètti.



An neust frasiunista
d'Alpà l'è 'l President,
l'è 'l Valter sempri 'n pista,
suma propriu tucc cuntent.
Tra lavor, Pro Loco e Alpà
'l truverà 'l temp par la cà?

Custa car al carlavèe
par l'Aldino specialment,
che sn'arnà l'è nà pichèe
bucca, nàs e anca i dent.
E la ciocca cume 'l vent
l'è passaghi nt' un mument.

L'è 'n prublema mia mal
giù la Villa pustegèe
vist che i vigil da Varal
in rivai a fe spustèe....
culi macchini piassai
anca fora d'ant ia strai.
E par di seia par cui là
che 'n Cumuna in reclamà...

S'la cansùn i mancu mai
cui amis chi van la caccia
sempri 'n cerca da cinghiai,
d'una vol, d'una becaccia.
E i sparatu a tutt andèe
da su 'l Piani fin giù 'l Prèe.

Nu ghè jun che l'è truvassi
faccia a faccia cul cinghial,
l'è mustraghi 'l sui ganassi
cula bes-cia d'un quintal.
D'la spuvent l'è stacc ciapà
e 'l grilet l'è mia schicià,
nant giù svers a rubatòli
fin 'n funt 'nt al niciòli.

L'aut anveci cl'era 'nsemma
d'la spuvent l'è bugià più
l'è gnu bianc, culòo d'la gremma
e 'l fieva gnanca più.
Par na vòta l'è nutt mal
vadagnèe a l'è 'l cinghial.

Rifèe 'l tecc l'è stacia dura
colpa dl'ava e dal vent,
squercia e quercia la struttura
a ogni pitu cambiament.
La Maria la pregheva...
e quaidun al bestemieva!!

A l'è staccia scarugnà
cula nocc che 'n buff ad vent,
al gross telo l'è svarsà
pruvucant l'incunvenient.
Gniva l'ava dinti 'n cà
cume sighi fòo nt'un prà.

Al "me Angelo" stavòta
l'è picaghi 'n gran culpacc,
la brageva su par Vòta
"Ahia ahia, que tei facc...
Sun tegnutti 'l teu palètt
e cust quì saria l'efètt??"
Sanc par tutt e na gran mal...
l'è furnia l'uspidal.

Suma fac-ghi na gran festa
a la cròs, vint'agn, che efèt,
ieru 'n tent 'nciuma la cresta
'd Civareu e Sambughèt.
Tücc cuntent e tücc amis
par fèe unor ai neust pais.

Quant cl'è gnu anca l'istà,
cun al sol ludent e fort
an neust scior di mezza età
l'è na 'l Cigno cerchèe cunfort...

L'è vardàsi 'n cià e 'n là
salutà i conoscenti,
peui, elegante, l'è quagià
'n ciuma dui beli lenti.
Da bragèti na dispias...
ma iugiai s'mettu sal nas.

E cun là... stagiun dal vij
in sbucià 'nca tücc i fior,
e quatt coppij giovni e ardi
in giurassi eterno amor.

Dinti 'n gesa la funsiun,
che manecc cui fabricer,
pranzi e brindisi al tendun
viva ja spös... e s'ausu i bicer.
Dess però chi sei maria...
disciulèvi e fèe masnai !!

Par savei cumè chi stevu
cui che 'nt l'alp a jeru nai
i parent chi 'spreocupevu
cun al fil fevu segnai.

Dess anveci, car matai,
cun an super cellular,
i ta ciamu da Dubai
anca 'n mess d'un funeral.
Ciò l'è tropp, vardèe s'po' mia
disturbèe l'Ave Maria.

Qui la storia l'è furnia
a ghè più l'ispirassiùn
suma prunt par dèela via
sù, catèe custa cansùn.
E cal vegna mia rabbia
chi l'è stacc quì "numinà".

La paniccia peui l'è cocia,
sustansiòs e bün l'è 'l breu
e cun pòuri da sacocia
gnivi 'l martas a Civareu.
Prenutè, si vrei mia còri,
va spiciuma 'n ver quattr'òri.

Civareu, 4 mars dal 2003.



*I rimatori strampalati
del Terzo Millennio (e trèi)*